



Fernand ETGEN  
President vun der  
Deputéiertechamber  
19, um Krautmaart  
1728 Lëtzebuerg

Lëtzebuerg, den 15ten Abrëll 2019

Här President,

**Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un den Här Staatsminister & Minister fir Kommunikatioun a Medien weiderzeleeden.**

*D'Benotze vu Social Media zu Promotiounszwecker ass hautzedaags een essentiellt Element vun all Publicitéit. Och an der Politik si Social Media Konten nätzlech, fir am Austausch mat der Gesellschaft ze sinn. An dem Kontext haat den Här Minister Bausch ugekënnegt, sein Twitter-Konto opzeléisen an d'Plattform an Zukunft net méi weider ze benotzen.*

*All Inhalt, deen e Politiker op de soziale Medie post, ass gläichzäiteg eng Informatioun, déi d'ëffentlech Perceptioun vun der Identitéit vun der Persoun an der Partei beaflosst. Wann zum Beispill d'Madamm Familljeministesch op Twitter, wéi et rezent de Fall war, eng Foto vu sech mam Här Premierminister publizéiert, op der d'Logo vun enger grousser internationaler Versécherungsgesellschaft ze gesinn ass, kéint dat de Bierger noleen, dass déi ofgebillten Persoun an hir Partei dës Organisatioun ënnerstëtzen oder vun hir ënnerstëtzt ginn.*

**An deem Zesammenhang wéilt ech dem Minister dës Froe stellen:**

1. Existéiere fir d'Regierungsmembere Reegelen, déi d'Deelen oder d'Publizéiere vu Contenuen op Social Media definéieren? Wien ass responsabel fir d'Benotzung vun de Social Media Konte vun de Regierungsmemberen? Däerf all Minister seng Contenuen op Social Media selwer bestëmmen?
2. Wéi eng Regierungsmembere verwalten hir Social Media Konte selwer? Wéi eng Regierungsmembere loossen d'Gestioun vun hire Konten duerch Assistenten oder Mataarbechter bedreiwen?



[www.piraten.lu](http://www.piraten.lu)

3. Wéi eng Positioun vertritt d'Regierung zum Posten an Deelee vu Logoe vu groussen Privatentreprisen duerch d'Konten vu gewielte Volleksvertrieder? Mengt d'Regierung net, dass esou Posts falsch Zeeche vis-à-vis vun der Impartialitéit vun engem Mandat setze kënnen? Falls nee, firwat net?

Mat déiwem Respekt,

A handwritten signature in black ink, consisting of several fluid, overlapping strokes that form a stylized, somewhat abstract shape.

Marc GOERGEN  
Député